

REMITIDO

ESSO CLUB Y CERO COLORADO

Di antemano danki pa e espacio concedi. Mi reaccion contra loke a sali publica di Esso Club y Seroe Colorado ta como esaki ta pone comunidad contra comunidad sin cu ta necesario. Señor van Putten mester ta mas realistico ora e ta protesta o critica contra algo cu ta diferente di loke e ta pensa.

1. Señor van Putten, como politico y miembro di Gobierno sa masha bon cu te awor e tereno di Lago y Seroe Colorado no a ser pasa pa territorio insular door di tardanza di su mes gobierno.

2. Señor van Putten sa masha bon cu no ta husto, y no ta aceptable na ningun lugar cu ta existi democracia pa miembronan den e caso aki di Esso Club paga pa uso di e faci-

lidadnan di e club anto pa otro cu no a paga haci uso igualmente. Esaki nos ta yama inhusto of un descreimen contra esunnan cu si a paga.

3. Señor van Putten mester sa tambe cu Lago a cera pero cu te awor ta Lago (Exxon) ta mantene un paar di hende (contratista) pa mantene Seroe Colorado y lo demas limpi y no gobierno.

4. Mirando e tasa di desempleo cu tin actualmente si señor van Putten lo ta contra anto pa un paar di hende gana nan pan di cada dia door di tene e area limpi, paga door di Lago y e comunidad di Seroe Colorado?

5. Pakico e Señor aki no ta pidi su Gobierno pa haci liher pa duna Exxon permiso pa pasa e tereno di Seroe Colorado y Lago

pa asina nan por cuminsa desmantela Lago y crea empleo cu ta haci hopi di falta enbez di crea odio entre comunidad.

Lago tabata cla pa haci esaki pero ta Gobierno mes no tin mucho interes pa esaki.

6. Pakico señor van

Putten no ta pidi Gobierno tambe pa haci e facilidadnan di e hptelnan na un lugar publico?

F. Maduro.

PUEBLO LO TA SU MES JUEZ

Na tur partido cu ta contra e mal manejo di e Gobierno actual, of mihor bisa contra e Gobierno di MEP cu 2 Diputado cu no a bay ariba lista di e ultimo eleccion.

Boso tur ta dreitando un campaña pa e proximo eleccion. Boso tur cu ta critica e manejo corrupto di e Gobierno aki, di su medidanan impone ariba lomba di e pueblo trahador.

Boso nan cu ta parti di oposicion, of otro cu ta

sinta pafor warda un oportunidad pa purba loke por. No mester core campaña ariba lomba di otro, pa saca probecho pa bo partido, y por fabor laga nos difuntunan sosega na nan lugar di eterno sosiego.

Pasobra nos pueblo ta fasa di expresionnan asina. Na e partido PDA, bo ta un partido politico nobo o di un eleccion bieuw. Asina no ta manera di core campaña ariba lomba di otro partidonan politico.

Pasobra tempo cu bo a lanta e motibo cu bo a duna ta pasobra e manejo di actual Gobierno di MEP no ta bon y bo ta bini cu un partido nobo pa bo trata di trece un mejoracion den gobernacion. Awor e cambio cu nos pueblo ta spera ta pa salba nos di economia malisimo cu nos pueblo ta pasa aden. Pa despues di eleccion Aruba lo por goza di un gobernacion cu lo por saca nos for di e problema serio cu e actual Gobierno di MEP a hinca nos aden.

Na PDA boso no mester critica ningun otro partido. Alo menos si boso ta sinti boso debil politicamente.

Boso no mester a critica e partido ADN como MEP II. Boso lider sa masha bon e motibo pakico e persona aki a bandona MEP, pasobra e tin su principio y caracter.

Di con dia boso lider a acerke, despues cu el a bandona MEP pa dreinta e fila di PDA, hasta el a wordo ofreci e puesto di No 1 ariba lista di PDA anto e ora ey of e tempo ey bo no a ripara of corda cu e señor aki tambe a participa den RTC 83.

Y tin mas di personanan den e partido ADN cu a wordo acerca pero nan caracter no ta permiti nan join bo partido awor ta pa egoista boso ta critica e partido aki.

Boso lider a critica Betico Croes pa su mal manejo pero ta declara cu e lo ta segundo Betico.

Ningun hende sa su pensamiento pa mañan cu e haya puesto (si e haya) lo e haci mescos. Awor huzga pa bo mes digno pueblo di Aruba. L. A. Croes



VICTORIA SUPERMARKET

Hendrikstraat 28, Tel: 21541

SPECIAL WEEK-END SPECIAL

DOGFOOD Riche 15 oz	0,79
DOMO Volle Melk 1 ltr.	1,29
MASHED Potato French 13 oz.	2,99
DESINF. Disiclin 32 oz	2,90
FRICA Juices p/btl.	0,55
TOMATO Paste Hunts 6 oz	0,70
MALTA Corona p/btl	0,55
TENDER fabric Softener 32 oz.	2,40
ARIEL Zeepoeder reg.	4,85
PEAR, PEACH Juice Libby's 5 1/2 oz.	0,59
VICTORINA Catsup 14 oz.	0,85
KOOLAIID Enveloppe 6 oz.	1,25



WHOLE LEGS 5,75 5 LBS	RABO DI BACA 2,80 P/LB
CARNI MULA 2,05 P/LB	CARNI CABRITO 2,97 P/LB
LOMO (Dunne Lende) 4,40 P/LB	KOGELBIEFSTEAK 3,85 P/LB
PORKCHOP 2,65 P/LB	LOINRIBS 2,40 P/LB
HIGRA 1,30 P/LB	ROASTBIEF 4,15 P/LB

PA CADA COMPRA DI **FLS. 20,--**
BO POR GANA **2 TICKETS**
IDA y VUELTA pa MIAMI

FUN WORLD
Promenade
Tel: 41999

FunWorld

TA PRESENTA un TREMENDO POPPENKAST y TEKENWEDSTRIJD

Diasabra awor pa 4.30, ariba Promenade na S.N.
Lo tin PREMIOS pa e GANADORAN.